

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ՎԱՐՁՈՒԹԱՅԻՆ ՎԿԱՅԱԿԱՆ ՏՐԱՄԱԴՐԵԼՈՒ ԵՎ
ԴՐԱ ԳՈՐԾՈՂՈՒԹՅՈՒՆԸ ԴԱԴԱՐԵՑՆԵԼՈՒ, ՖԻԼՍԸ ԴԱՍԱԿԱՐԳԵԼՈՒ ԵՎ ՖԻԼՍԻ
ՏԱՐԻՔԱՅԻՆ ՍԱՀՄԱՆԱՓՈՎԿՄԱՆ ՄԱՍԻՆ ՆՇՈՒՄ ԿԱՏԱՐԵԼՈՒ ԿԱՐԳԸ
ՀԱՍՏԱՏԵԼՈՒ ՄԱՍԻՆ

Գլխավոր տեղեկություն

Համար N 92-Ն

Տիպ Որոշում

Ակտի տիպ Պաշտոնական Իսկրպորացիա (24.10.2025-մինչ օրս)

Կարգավիճակ Գործում է

Սկզբնաղբյուր Միասնական կայք 2024.01.08-2024.01.21
Պաշտոնական հրապարակման օրը 19.01.2024

Ընդունող մարմին ՀՀ կառավարություն

Ընդունման ամսաթիվ 18.01.2024

Ստորագրող մարմին ՀՀ վարչապետ

Ստորագրման ամսաթիվ 19.01.2024

Ուժի մեջ մտնելու ամսաթիվ 20.03.2024

Ո Ր Ո Շ ՈՒ Մ

18 հունվարի 2024 թվականի N 92-Ն

ՎԱՐՁՈՒԹԱՅԻՆ ՎԿԱՅԱԿԱՆ ՏՐԱՄԱԴՐԵԼՈՒ ԵՎ ԴՐԱ ԳՈՐԾՈՂՈՒԹՅՈՒՆԸ ԴԱԴԱՐԵՑՆԵԼՈՒ,
ՖԻԼՏԸ ԴԱՍԱԿԱՐԳԵԼՈՒ ԵՎ ՖԻԼՏԻ ՏԱՐԻՔԱՅԻՆ ՍԱՀՄԱՆԱՓՈՎԿՄԱՆ ՄԱՍԻՆ ՆՇՈՒՄ ԿԱՏԱՐԵԼՈՒ
ԿԱՐԳԸ ՀԱՍՏԱՏԵԼՈՒ ՄԱՍԻՆ

Հիմք ընդունելով «Կինեմատոգրաֆիայի մասին» օրենքի 7-րդ հոդվածի 1-ին մասի 5-րդ և 6-րդ կետերը՝ Հայաստանի Հանրապետության կառավարությունը որոշում է.

1. Հաստատել վարձութային վկայական տրամադրելու և դրա գործողությունը դադարեցնելու, ֆիլմը դասակարգելու և ֆիլմի տարիքային սահմանափակման մասին նշում կատարելու կարգը՝ համաձայն հավելվածի:

2. Սույն որոշումն ուժի մեջ է մտնում պաշտոնական հրապարակման օրվանից 2 ամիս հետո:

Հայաստանի Հանրապետության
վարչապետ

Երևան

Ն. Փաշինյան

19.01.2024
ՀԱՎԱՍՏԱԿՑ Ե
ԷԼԵԿՏՐՈՆԱԿԱՆ
ՍՏՈՐԱԳՐՈՒԹՅԱՄ

Հավելված
ՀՀ կառավարության 2024 թվականի
հունվարի 18-ի N 92-Ն որոշման

Կ Ա Ր Գ

ՎԱՐՁՈՒԹԱՅԻՆ ՎԿԱՅԱԿԱՆ ՏՐԱՄԱԴՐԵԼՈՒ ԵՎ ԴՐԱ ԳՈՐԾՈՂՈՒԹՅՈՒՆԸ ԴԱԴԱՐԵՑՆԵԼՈՒ,
ՖԻԼՏԸ ԴԱՍԱԿԱՐԳԵԼՈՒ ԵՎ ՖԻԼՏԻ ՏԱՐԻՔԱՅԻՆ ՍԱՀՄԱՆԱՓՈՎԿՄԱՆ ՄԱՍԻՆ ՆՇՈՒՄ ԿԱՏԱՐԵԼՈՒ

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգը սահմանում է Հայաստանի Հանրապետությունում ստեղծված կամ արտասահմանից գնված ֆիլմերի տարածման համար վարձութային վկայականի տրամադրման, վարձութային վկայականի գործողության դադարեցման, ինչպես նաև ֆիլմը դասակարգելու և ֆիլմի տարիքային սահմանափակման մասին նշում կատարելու ընթացակարգերն ու պայմանները:

2. Հայաստանի Հանրապետության տարածքում ֆիլմի տարածումն իրականացվում է վարձութային վկայականի հիման վրա:

2. ՎԱՐՁՈՒԹԱՅԻՆ ՎԿԱՅԱԿԱՆԻ ՏՐԱՄԱԴՐՈՒՄԸ ԵՎ ՎԱՐՁՈՒԹԱՅԻՆ ՎԿԱՅԱԿԱՆԻ
ԳՈՐԾՈՂՈՒԹՅԱՆ ԴԱԴԱՐԵՑՈՒՄԸ

3. Վարձութային վկայականը տրամադրվում է ֆիլմերի տարածման հետևյալ տեսակների համար՝

1) Եկրանային տարածում (այդ թվում՝ կինոթատրոններ, մշակույթի և ժամանցի վայրեր, բացօթյա ցուցադրություններ/ավտոկինոթատրոններ):

2) հեռուստատեսային տարածում (այդ թվում՝ արբանյակային և մալուխային):

3) համացանցային տարածում (այդ թվում՝ ֆիլմը հանրության լայն շրջանակներին հասանելի դարձնելու այլ ձևեր՝ ինքնաթիռ, զնացք և այլն):

4) Նյութական կրիչով տարածում (այդ թվում՝ ֆիլմի վարձույթ նյութական կրիչի վրա):

4. Վարձութային վկայականի տրամադրման, վարձութային վկայականի գործողության դադարեցման գործընթացն իրականացնում է մշակութային հիմնադրամը (այսուհետ՝ ազգային մարմին):

5. Վարձութային վկայական ստանալու համար դիմելու իրավունք ունեցող տնտեսավարող սուբյեկտներն են (այսուհետ՝ հայտատու)՝

1) ֆիլմարտադրող ընկերությունը (ֆիլմի իրավատեր):

2) դիստրիբյուտորական ընկերությունը (ֆիլմի տարածման լիցենզառու):

3) ֆիլմցուցադրող ընկերությունը (կինոթատրոններ և այլ ցուցադրողներ):

4) ընկերություն, որն ունի սույն կարգի 3-րդ կետով սահմանված տեսակներով (տեսակներից մեկով) ֆիլմը տարածելու ոչ բացառիկ լիցենզիա (եթե նախկինում տվյալ ֆիլմի համար չի տրամադրվել վարձույթի վկայական՝ տարածման բացառիկ լիցենզիա ունեցող ընկերությանը):

6. Վարձուբային վկայական ստանալու համար հայտատուն ազգային մարմին է ներկայացնում՝

1) հայտադիմում (Ձև N 1).

2) հեղինակային իրավունքի վերաբերյալ հայտարարություն (ներառյալ ֆիլմի տարածման տեսակները և ժամանակացույցը) (Ձև N 2).

3) ֆիլմի դասակարգման և ձայնային ներկայացման վերաբերյալ հայտարարություն (Ձև N 3).

4) ֆիլմի կրկնօրինակման և (կամ) ենթագրման վերաբերյալ հայտարարություն (Ձև N 4):

7. Հայտին կցվում են հետևյալ փաստաթղթերը և նյութերը՝

1) իրավաբանական անձի պետական ռեգիստրի վկայականի պատճենը.

2) ֆիլմի տարածման համար հայտատուի լիցենզիան հաստատող փաստաթղթերի պատճենները (օտար լեզվով փաստաթղթերն ուղեկցվում են որակավորված թարգմանաչի կողմից կատարված հայերեն թարգմանությամբ).

3) ֆիլմերում օգտագործված երաժշտական ստեղծագործությունների մասին (կոմպոզիտոր, օգտագործված ստեղծագործության անվանումը, ֆիլմում ստեղծագործության տևողությունը) տեղեկատվություն.

4) մոնտաժային կամ տրամախոսական թերթեր (առկայության դեպքում), կից՝ ֆիլմի կարճ անտաճիան

5) ֆիլմի պատշաճ որակի պատճենը (առավելագույնը նախորդ երեք տարիների ընթացքում արտադրված նյութական կրիչով (HDD կամ SSD) (ներկայացվում է դիտման և հետագա պահպանման համար), բացառությամբ օտարերկրյա արտադրության ֆիլմն առաջին անգամ Եկրանային տարածում կատարելու դեպքերի.

6) օտարերկրյա արտադրության ֆիլմն առաջին անգամ Եկրանային տարածում կատարելու դեպքում ֆիլմից որոշակի դրվագների պատճենը (առավելագույնը նախորդ երեք տարիների ընթացքում արտադրված նյութական կրիչով (HDD կամ SSD), որ պարունակում է ենթագրեր կամ կրկնօրինակում և թույլ է տալիս իրականացնել ֆիլմի դասակարգում և տարիքային սահմանափակման վերաբերյալ նշում:

(7-րդ կետը լրաց., փոփ., խմբ. 23.10.25 N 1478-Ն)

8. Ազգային մարմինն ընդունում, գրանցում և հաշվառում է հայտատուի կողմից ներկայացված փաստաթղթերը և նյութերը:

(8-րդ կետը լրաց. 23.10.25 N 1478-Ն)

9. Հայտը սույն կարգի 6-րդ և 7-րդ կետերով սահմանված պահանջներին չհամապատասխանելու կամ հայտին կից փաստաթղթերը կամ նյութերը թերի ներկայացնելու դեպքում ազգային մարմինը 3 աշխատանքային օրվա ընթացքում փոստով կամ էլեկտրոնային եղանակով հայտատուին ուղարկում է ծանուցում (նշելով առկա թերությունները կամ բացակայող փաստաթղթերի կամ նյութերի ցանկը)՝ 10 աշխատանքային օրվա ընթացքում բացակայող փաստաթղթերը կամ նյութերը ներկայացնելու կամ առկա թերությունները վերացնելու անհրաժեշտության պահանջով (Ձև N 5): Հայտատուն համարվում է ծանուցված՝ Հայաստանի Հանրապետության օրենսդրությամբ սահմանված կարգով և կարող է շտկված հայտը կամ բացակայող փաստաթղթերը կամ նյութերն անձամբ կամ էլեկտրոնային եղանակով ներկայացնել ազգային մարմին:

(9-րդ կետը խմբ. 23.10.25 N 1478-Ն)

10. Վարձուբային վկայականի տրամադրման հայտը մերժվում է, եթե՝

1) ներկայացված տեղեկատվությունը արժանահավատ չէ.

2) ներկայացված փաստաթղթերը կամ նյութերը չեն համապատասխանում օրենքի պահանջներին.

3) ներկայացված փաստաթղթերը կամ նյութերը թերի են, և տեղեկացնելուց հետո՝ 10 աշխատանքային օրվա ընթացքում, թերությունները չեն վերացվում:

(10-րդ կետը լրաց. 23.10.25 N 1478-Ն)

11. Հայտի և դրան կից փաստաթղթերի քննարկման, ինչպես նաև ֆիլմի հանդիսատեսի տարիքային կատեգորիան (այսուհետ՝ ֆիլմի դասակարգում) դիտարկելու ժամկետը (բացառությամբ սույն կարգի 12-րդ կետով նախատեսված դեպքերի) չպետք է գերազանցի 10 աշխատանքային օրը՝ ազգային մարմին սույն կարգի 6-րդ և 7-րդ կետերով նախատեսված փաստաթղթերի և նյութերի ամբողջական փաթեթը ներկայացնելու օրվանից:

(11-րդ կետը փոփ. 23.10.25 N 1478-Ն)

12. Եթե ազգային մարմինն ստանում է 2 կամ ավելի հայտ, որոնց վարձույթի մեկնարկի ժամկետները համընկնում են, ապա 5 աշխատանքային օրվա ընթացքում տվյալ ֆիլմերի վարձույթի մեկնարկի ամսաթվերի հերթականության հարցը քննարկվում է ազգային մարմնին կից ստեղծված փորձագիտական խորհրդի (այսուհետ՝ փորձագիտական խորհուրդ) կողմից: Ազգային մարմինը 3 աշխատանքային օրվա ընթացքում պատվիրված փոստով կամ էլեկտրոնային եղանակով ծանուցում է ուղարկում (Ձև N 6) հայտատուներին՝ ներկայացնելով փորձագիտական խորհրդի քննարկման արդյունքում կայացված որոշումը՝ ֆիլմը վարձույթ մտցնելու ժամկետների նպատակահարմարության և հայտատուների միջև ժամկետների համաձայնեցման անհրաժեշտության վերաբերյալ, միաժամանակ տրամադրելով ֆիլմը վարձույթ մտցնելու հնարավոր ժամանակացույցի առաջարկ: Հայտատուն համարվում է ծանուցված՝ Հայաստանի Հանրապետության օրենսդրությամբ սահմանված կարգով:

13. Հայտատուները ծանուցումն ստանալուց հետո, 15 աշխատանքային օրվա ընթացքում պատվիրված փոստով կամ էլեկտրոնային եղանակով ազգային մարմնին հայտնում են ֆիլմի

վարձույթի մեկնարկի ժամկետների վերաբերյալ իրենց որոշման մասին: Վարձույթի ժամկետների փոփոխման դեպքում հայտատուն նամակին կից ներկայացնում է նոր հայտադիմում՝ ֆիլմը վարձույթ մտցնելու նոր ժամանակացույցով: Ազգային մարմինը մուտքագրում է նոր հայտը (հայտերը) գրանցամատյանում: Հայտատուների կողմից ժամկետները չփոփոխելու դեպքում ազգային մարմինը սահմանված կարգով հաստատում է հայտը:

14. Սույն կարգի 12-րդ կետի դրույթները տարածվում են միայն ազգային ֆիլմերի վրա, որոնք ունեն համանման թեմա, ժանր և նախատեսված են սույն թիրախային լսարանի համար:

15. Սույն կարգի 23-րդ կետի 3-րդ ենթակետում նշված նյութերի առկայության դիտարկման համար, ֆիլմի բովանդակության լրացուցիչ գնահատման նպատակով ազգային մարմինը՝ հաշվի առնելով սույն կարգի 11-րդ կետում սահմանված ժամկետը, իրավունք ունի հարցի քննարկման համար ներգրավել ֆիլմերի գնահատման փորձագիտական խորհրդին:

16. Փորձագիտական խորհրդին մասնակցությունն իրականացվում է կամավորության, ինքնակառավարման, թափանցիկության սկզբունքներով, որոշումների կայացման հարցում անկախության իրավունքով: Խորհուրդը գործում է որպես փորձագիտական մարմին լիազորված պետական մարմնի կողմից հաստատված աշխատակարգով և կազմով, հասարակական հիմունքներով:

17. Փորձագիտական խորհուրդը բաղկացած է 9 անդամից, որտեղ բացի նախագահից ընդգրկվում են երեխաների կրթության և դաստիարակության ոլորտի մասնագետներ, հոգեբաններ, մշակութաբաններ, կինոարվեստի (ներառյալ կինոգիտություն, կինոարտադրություն, կինովարձույթ, ֆիլմ տարածող) ոլորտի մասնագետներ, իրավապահ մարմինների ներկայացուցիչներ: Յուրաքանչյուր ոլորտային ուղղությունից մեկական մասնագետ և 5 մասնագետ կինոարվեստի ոլորտից (ներառյալ նախագահը):

18. Փորձագիտական խորհրդի որոշումը հաշվի է առնվում ազգային մարմնի կողմից՝ ֆիլմերին վարձութային վկայականներ տրամադրելու, դրանց գործողությունը դադարեցնելու, ֆիլմերի դասակարգման (այդ թվում՝ բովանդակային գնահատում), ինչպես նաև ֆիլմերի վարձույթի մեկնարկի ժամկետները հաստատելու համար:

19. Վարձութային վկայական տրամադրվում է, եթե ֆիլմը բավարարում է հետևյալ պայմանները՝

1) կատարված է ֆիլմի դասակարգումը և տարիքային սահմանափակման մասին համապատասխան նշումը:

2) կատարված է օտարալեզու ֆիլմի հայերեն կրկնօրինակումը և (կամ) տեսանելի ու հստակ ենթագրումը, բացառությամբ ֆիլմում հնչող երաժշտական ստեղծագործությունների և այն դրվագների, որոնք էական չեն կամ ըստ ստեղծագործական մտահղացման՝ պետք է լինեն օտարալեզու:

Հայտատուի կողմից սույն կարգի 6-րդ և 7-րդ կետերով նախատեսված փաստաթղթերի և նյութերի ամբողջական փաթեթը ներկայացնելու դեպքում, ազգային մարմինը 10 աշխատանքային օրվա ընթացքում հայտատուին առձեռն տրամադրում է վարձութային վկայականը:

(19-րդ կետը փոփ. 23.10.25 N 1478-Ն)

20. Սույն կարգի 19-րդ կետի 2-րդ ենթակետի պահանջը չի տարածվում՝

1) շահույթ ստանալու նպատակ չիետապնդող գիտական, մշակութային, կրթական, ճանաչողական ու այլ նմանատիպ ծրագրերի և օտար լեզուների իմացության բարելավման կամ ուսուցման համար նախատեսված ֆիլմերի վրա:

2) Հայաստանի Հանրապետության տարածքում բնակվող ազգային փոքրամասնությունների և կինոփառատոների ու կինոարվեստի այլ միջոցառումների շրջանակում ցուցադրման համար նախատեսված ֆիլմերի վրա:

3) արբանյակային կամ մալուխային կապի միջոցով հեռարձակվող ֆիլմերի վրա:

21. Վարձութային վկայականը տրամադրվում է սույն կարգով հաստատված ձևաթղթով (Ձև N 7) և յուրաքանչյուր վկայականի վրա նշվում է անհատական համար: Ֆիլմի մասին տեղեկատվությունը և վարձութային վկայականի անհատական համարն ազգային մարմնի կողմից մուտքագրվում է ֆիլմերի հաշվառման տվյալների հիմնապահոցում (այսուհետ՝ կինոռեեստր): Վարձութային վկայականը պետք է պարունակի ֆիլմի հանդիսատեսի տարիքային կատեգորիայի մասին տեղեկատվություն՝ հաշվի առնելով հայտատուի կողմից սույն կարգի 6-րդ կետի 3-րդ ենթակետի համաձայն տրամադրված տեղեկատվությունը և սույն կարգի 7-րդ կետի 5-րդ ենթակետին համապատասխան ներկայացված ֆիլմը դիտելու արդյունքները: Վարձութային վկայականում նշվում է Հայաստանի Հանրապետության տարածքում ֆիլմի վարձույթի մեկնարկի ամսաթիվը, հաշվի առնելով սույն կարգի 6-րդ կետի և 12-րդ կետի դրույթները:

21.1. Սույն կարգի 7-րդ կետի 6-րդ ենթակետով սահմանված դեպքում հայտատուն ապահովում է ազգային մարմնի ներկայացուցիչների ներկայությունը Հայաստանի Հանրապետության տարածքում ֆիլմի առաջին ցուցադրմանը (նախադիտման առկայության դեպքում նախադիտմանը), որի արդյունքում ազգային մարմնի ներկայացուցիչների կողմից կազմվում է արձանագրություն՝ ֆիլմը ենթագիր կամ կրկնօրինակում ունենալ կամ չունենալու և հայտատուի կողմից ներկայացված դասակարգմանը և տարիքային սահմանափակման վերաբերյալ նշումին համապատասխանելու կամ չհամապատասխանելու վերաբերյալ (Ձև N 10):

(21.1-ին կետը լրաց. 23.10.25 N 1478-Ն)

22. Իրավաբանական անձի վերակազմակերպման, լուծարման կամ անվան փոփոխության դեպքում հայտատուի գրավոր դիմումի հիման վրա վարձութային վկայականում կատարվում է համապատասխան փոփոխություն:

23. Վարձութային վկայական չի տրամադրվում, եթե՝

1) ներկայացված ֆիլմի համար արդեն տրվել է վարձութային վկայական մեկ այլ կազմակերպությանը, որը հանդիսանում է ֆիլմի տարածման բացառիկ լիցենզառու:

2) ֆիլմը պարունակում է նյութեր, որոնք խախտում են Հայաստանի Հանրապետության օրենսդրությունը:

3) ֆիլմը պարունակում է թմրամիջոցների, հոգեմետ, հոգեներգործուն նյութերի կամ դրանց պրեկուրսորների ստեղծման և պատրաստման մեթոդների, պոռնկագրության, բռնության և դաժանության պաշտամունքը քարոզող նյութեր:

4) ֆիլմում օգտագործվում են թաքնված տեխնիկական մեթոդներ այնպիսի տեղեկատվության տարածման համար, որոնք ազդում են մարդկանց ենթագիտակցության վրա կամ վնասակար ազդեցություն ունեն նրանց առողջության վրա:

5) խախտվել են սույն կարգի 6-րդ, 7-րդ և 12-րդ կետերի դրույթները:

24. Վարձութային վկայականի տրամադրման հայտը մերժելու որոշման դեպքում, ազգային մարմինը 5 աշխատանքային օրվա ընթացքում, պատվիրված նամակով կամ էլեկտրոնային եղանակով ծանուցում է ուղարկում հայտատուին (Ձև N 9)՝ վարձութային վկայականի տրամադրման հայտը մերժելու որոշման մասին:

(24-րդ կետը փոփ. 23.10.25 N 1478-Ն)

25. Վարձութային վկայականի գործողության դադարեցման համար հիմք է հանդիսանում՝

1) ներկայացվել են ոչ հավաստի տեղեկատվություն կամ կեղծ փաստաթղթեր կամ նյութեր:

2) խախտվել են «Կինեմատոգրաֆիայի մասին» Հայաստանի Հանրապետության օրենքի կամ այլ նորմատիվ իրավական ակտերի պահանջները:

3) սույն կարգի 21.1-ին կետի համաձայն կազմվել է արձանագրություն ֆիլմը հայտատուի կողմից ներկայացված դասակարգմանը և տարիքային սահմանափակման վերաբերյալ նշումին չհամապատասխանելու, ֆիլմի ենթագիր կամ կրկնօրինակում չունենալու վերաբերյալ:

(25-րդ կետը լրաց. 23.10.25 N 1478-Ն)

26. Վարձութային վկայականի գործողությունը դադարեցնելու որոշման դեպքում, ազգային մարմինը 5 աշխատանքային օրվա ընթացքում, պատվիրված նամակով կամ էլեկտրոնային եղանակով ծանուցում է ուղարկում հայտատուին (Ձև N 8)՝ վարձութային վկայականի գործողությունը դադարեցնելու որոշման մասին՝ կցելով հայտադիմումի փաստաթղթային փաթեթը, իսկ սույն կարգի 25-րդ կետի 3-րդ ենթակետի կիրառման դեպքում նաև 21.1-ին կետով սահմանված արձանագրության պատճենը:

(26-րդ կետը լրաց. 23.10.25 N 1478-Ն)

27. Հայտատուն համարվում է ծանուցված՝ Հայաստանի Հանրապետության օրենսդրությամբ սահմանված կարգով: Հայտատուն պարտավոր է ծանուցման ստացման օրվանից 30 աշխատանքային օրվա ընթացքում, պատվիրված նամակով կամ առձեռն ազգային մարմնին վերադարձնել ստացված վարձութային վկայականի բնօրինակը: Վարձութային վկայականը չվերադարձնելու դեպքում հայտատուին արգելվում է նոր հայտեր ներկայացնել, մինչև տվյալ վարձութային վկայականի բնօրինակը վերադարձնելը:

28. Ազգային մարմինն իր կայքէջում տեղադրում է վարձութային վկայականի գործողությունը դադարեցնելու մասին տեղեկատվություն և համապատասխան գրառում է կատարում կինոռեեստրում:

1. ՖԻԼՄԸ ԴԱՍԱԿԱՐԳԵԼԸ ԵՎ ՖԻԼՄԻ ՏԱՐԻՔԱՅԻՆ ՍԱՀՄԱՆԱՓՈՎԿՄԱՆ ՄԱՍԻՆ ՆՇՈՒՄ ԿԱՏԱՐԵԼԸ

29. Հայաստանի Հանրապետության տարածքում ֆիլմը տարածելուց առաջ այն դասակարգվում է՝ ֆիլմի իրավատերերի կամ ֆիլմ տարածողների կողմից (Հայաստանի Հանրապետության աշխատանքի և սոցիալական հարցերի նախարարության երեխաների իրավունքների պաշտպանության ազգային հանձնաժողովի, փորձագիտական կազմակերպությունների կամ անհատ փորձագետի մասնակցությամբ):

30. Ֆիլմի դասակարգման համար գնահատման ենթակա են՝

1) ֆիլմի թեման, ժանրը, բովանդակությունը և գեղարվեստական լուծումները:

2) ֆիլմում առկա տեղեկատվության ընկալման առանձնահատկությունները՝ որոշակի տարիքային խմբի երեխաների կողմից:

3) ֆիլմում առկա տեղեկատվությամբ երեխաների առողջությանը և զարգացմանը վնաս պատճառելու հավանականությունը:

31. Ֆիլմի դասակարգումն իրականացվում է Հայաստանի Հանրապետության օրենսդրության պահանջներին համապատասխան՝ ելնելով ֆիլմում առկա տեղեկատվության բնույթից, փորձագիտական խորհրդի կողմից մշակված և լիազորված պետական մարմնի կողմից հաստատված դասակարգման չափորոշիչների համաձայն՝ հետևյալ կատեգորիաներով:

1) «Ը» (Ընդհանուր) - նախատեսված է ցանկացած տարիքի դիտողի համար:

2) «ԾՈՒ» - խորհուրդ է տրվում դիտել ծնողների ուղեկցությամբ, նախատեսված է 8 և ավելի

տարիքի անձանց համար.

3) «12ԾՈՒ» - Նախատեսված է 12 և ավելի տարեկան անձանց համար: 12 տարեկանից ցածր անձանց խորհուրդ է տրվում դիտել ծնողի ուղեկցությամբ.

4) «15» - Նախատեսված է 15 և ավելի տարեկան անձանց համար.

5) «18» - Նախատեսված է 18 և ավելի տարեկան անձանց համար.

6) «21» Արգելված է 21 տարին չլրացած անձանց համար:

32. Ազգային մարմինը վարձութային վկայականում կատարում է ֆիլմի դասակարգման վերաբերյալ համապատասխան նշում («Ը», «ԾՈՒ», «12ԾՈՒ», «15», «18» «21»)՝ համաձայն հայտատուի կողմից ներկայացված տեղեկատվության և փորձագիտական խորհրդի դիտարկման արդյունքների:

33. Ազգային մարմինը սահմանում է նշումների ձևաչափերը համաձայն 34-39-րդ կետերի պահանջների:

34. Ֆիլմի դասակարգման և տարիքային սահմանափակման վերաբերյալ նշումն իրականացնում է ֆիլմարտադրողը կամ ֆիլմ տարածողը՝ նշանով կամ տեքստային նախազգուշացմամբ, հետևյալ կերպ՝

1) «Ը» տառի տեսքով կամ «Նախատեսված է ցանկացած տարիքի դիտողի համար».

2) «ԾՈՒ» տառի տեսքով կամ «խորհուրդ է տրվում դիտել ծնողների ուղեկցությամբ».

3) «12ԾՈՒ» նշանի և տառի տեսքով կամ «Նախատեսված է 12 և ավելի տարեկան անձանց համար».

4) «15» նշանով կամ «Նախատեսված է 15 և ավելի տարեկան անձանց համար».

5) «18» նշանով կամ «Նախատեսված է 18 և ավելի տարեկան անձանց համար».

6) «21» նշանով կամ «Արգելված է 21 տարին չլրացած անձանց համար»:

35. Ֆիլմ արտադրողը, ֆիլմ տարածողը կամ ֆիլմ ցուցադրողը ֆիլմի ցուցադրումն սկսելուց առաջ, ազգային մարմնի կողմից սահմանված ձևաչափային նմուշի համաձայն տեղադրում են կատեգորիայի նշանը կամ երեխաների շրջանում դրա տարածումը սահմանափակելու մասին տեքստային նախազգուշացումը: Ֆիլմի դասակարգման նշանի չափը պետք է կազմի Էկրանի մակերեսի առնվազն հինգ տոկոսը:

36. Ֆիլմի դասակարգման նշանի չափը պետք է կազմի միջոցառման ազդագրի կամ այլ հայտարարության, կինոդիտման հայտարարության, ինչպես նաև մուտքի տոմսի, հրավերի կամ նման միջոցառմանը մասնակցելու այլ փաստաթղթի մակերեսի առնվազն հինգ տոկոսը:

37. Ֆիլմի դասակարգման մասին տեքստային նախազգուշացումը կատարվում է հայերենով, իսկ «Լեզվի մասին» Հայաստանի Հանրապետության օրենքով սահմանված դեպքերում՝ Հայաստանի Հանրապետության տարածքում բնակվող ազգային փոքրամասնությունների կամ օտար լեզուներով:

38. Ֆիլմի դասակարգման նշանը կամ տեքստային նախազգուշացումը տեղադրվում է՝

1) ֆիլմի մասին ազդագրերի և այլ հայտարարությունների վրա.

2) մուտքի տոմսերի, հրավերների կամ ֆիլմի ցուցադրությանը մասնակցելու իրավունք վերապահող այլ փաստաթղթերի վրա.

3) ֆիլմի ցուցադրումն Էկրանին սկսելուց առաջ:

39. Ֆիլմի դասակարգման նշանը կամ տեքստային նախազգուշացումը տեղադրելու դեպքում, մինչև Էկրանին ֆիլմի ցուցադրումն սկսելը, ֆիլմի դասակարգման նշանը տեղադրվում է Էկրանի կենտրոնում, դրա ցուցադրման տևողությունը պետք է լինի առնվազն 10 վայրկյան:

40. Այն դեպքում, երբ ֆիլմի ցուցադրումն ուղեկցվում է տարբեր տարիքային խմբերի անձանց համար, ֆիլմի մի քանի տեսակների ցուցադրմամբ (կինոանոնսների, տեսաանոնսների կամ այլ դիտարժան միջոցառումների անցկացմամբ), ֆիլմի դասակարգման նշանը կամ տեքստային նախազգուշացումը պետք է համապատասխանեն ավելի մեծ տարիքային խմբի անձանց համար նախատեսված ֆիլմի դասակարգչին: Նշված նշանը կամ դրա տեքստային նախազգուշացումը տեղադրվում են գովազդային պաստառների և այլ հայտարարությունների վրա, ինչպես նաև մուտքի տոմսերի, հրավերների և այլ փաստաթղթերի վրա, որոնք իրավունք են տալիս այցելել դիտմանը կամ միջոցառմանը:

2. ԿԱՏԱՐՄԱՆ ՆԿԱՏԱՎՄԲ ՎԵՐԱՀՍԿՈՂՈՒԹՅԱՆ ՁԵՎԵՐԸ

41. Վարձութային վկայականի տրամադրման, դրա գործողության դադարեցման ընթացակարգերի իրականացման վերահսկողությունն իրականացնում է ազգային մարմինը:

42. Սույն կարգի հիման վրա վարձութային վկայականի տրամադրման, դրա գործողության դադարեցման գործընթացների շրջանակում կայացված (ընդունված) որոշումները և գործողությունները (անգործությունը) կարող են բողոքարկվել Հայաստանի Հանրապետության օրենսդրությամբ սահմանված կարգով:

Ձև N 1

ՀԱՅՏԱԴԻՄՈՒՄ ՎԱՐՉՈՒԹՅՈՒՆ ԿԿԱՅԱԿԱՆԻ ՏՐԱՄԱԴՐՄԱՆ ՀԱՍԱՐ

Իրավաբանական անձի դեպքում.

1. Կազմակերպության անվանում՝ համաձայն իրավաբանական անձանց պետական

ռեգիստրի վկայականի

հայերեն, օտար լեզվով (անկայության դեպքում) և հապավումով (անկայության դեպքում)

- 2. Իրավաբանական հասցե (ինդեքս) _____
- 3. Փաստացի գործունեության հասցե (ինդեքս) _____

հեռախոս, ֆաքս (անկայության դեպքում), էլեկտրոնային փոստի հասցե, կայքէջ (անկայության դեպքում)

- 4. Պետական գրանցման մարմինը և վայրը _____
- 5. Կազմակերպության գրանցման վկայականի համարը (ՀՎՀՀ) _____
- 6. Կազմակերպության ղեկավարը _____

անուն, ազգանուն, հայրանուն (անկայության դեպքում)

- 7. Ֆիլմի անվանումը _____

հայերեն, օտարալեզու անվանումը (ներմուծվող ֆիլմի դեպքում)

- 8. Գրական ստեղծագործության վերնագիրը և հեղինակը _____

գրական ստեղծագործության էկրանավորման դեպքում

- 9. Արտադրող երկիր (երկրներ) _____
- 10. Արտադրող ընկերություն (ընկերություններ) _____
- 11. Արտադրության տարեթիվ _____
- 12. Ռեժիսոր (ռեժիսորներ) _____
- 13. Սցենարի հեղինակ (հեղինակներ) _____
- 14. Կոմպոզիտոր (կոմպոզիտորներ) _____
- 15. Օպերատոր (օպերատորներ) _____
- 16. Նկարիչ (նկարիչներ) _____
- 17. Պրոդյուսեր (պրոդյուսերներ) _____
- 18. Գլխավոր դերակատար (դերակատարներ) _____
- 19. Կրիչի տեսակը և ծավալը _____

MB/GB - թվային կրիչի դեպքում

- 20. Դրվագների քանակը _____

- 21. Մասերի (գլանափաթեթների) քանակը _____

կինոժապավենով ֆիլմերի դեպքում

- 22. Մետրաժ _____

կինոժապավենով ֆիլմերի դեպքում

- 23. Ֆիլմի տևողությունը _____

- 24. Գունավոր կամ սև/սպիտակ _____

- 25. Ժանր _____

- 26. Ֆիլմի տարածման լիցենզիայի ժամկետ _____

օր, ամիս, տարի

և տեսակ _____

ֆիլմի տարածման բացառիկ լիցենզիա, ֆիլմի վերարտադրման, տարածման, հրապարակային ցուցադրման, լիցենզային պայմանագրով մալուխով հաղորդման իրավունք

- 27. Ֆիլմի դասակարգիչ _____

- 28. Համառոտ անոտացիա _____

(պաշտոն) (ստորագրություն) (Ա.Ա.Հ.) _____ 202 թ.

Ձև N 2

ՀԱՅՏԱՐԱՐՈՒԹՅՈՒՆ
հեղինակային իրավունքի վերաբերյալ

ՀԱՅՏԱՏՈՒԻ ԱՆՎԱՆՈՒՄ

ՀԱՅՏԱՏՈՒԻ ՀԱՍՑԵ

_____ ի դեմս _____

հանդիսանում է _____ ֆիլմի տարածման բացառիկ/ոչ բացառիկ
լիցենզառու:

(ֆիլմի բնօրինակ և հայերեն տեղայնացված անվանում)

Լիցենզիան տրամադրված է _____
(գնված ֆիլմի դեպքում՝ պայմանագրի N, արտադրված ֆիլմի դեպքում՝ նշել նաև
արտադրության մասին ընկերության որոշման N) լիցենզիոն պայմանագրով և
գործում է _____ տարածքում

(նշել պայմանագրով սահմանված տարածքները)

հետևյալ տարածման տեսակներով _____
(Եկրանային, հեռուստատեսային, համացանցային տարածում, նյութական կրիչով տարածում,
բոլոր տեսակի տարածում, այլ)

Հայաստանի Հանրապետությունում _____ ֆիլմի տարածման
(ֆիլմի անվանումը)

ժամանակացույց՝ OO/ԱԱ/ՏՏՏՏ
(ընդհանուր ժամկետ)

Մարզ Մեկնարկ	Քաղաք	Գյուղ
Մարզ Մեկնարկ	Քաղաք	Գյուղ
(պաշտոն) (ստորագրություն)	(Ա.Ա.Հ.)	_____ 202 թ.

Ձև N 3

**ՀԱՅՏԱՐԱՐՈՒԹՅՈՒՆ
ՖԻԼՄԻ ԴԱՍԱԿԱՐԳՄԱՆ ԵՎ ՁԱՅՆԱՅԻՆ ՆԵՐԿԱՅԱՑՄԱՆ ՎԵՐԱԲԵՐՅԱԼ**

1. Ֆիլմի անվանումը _____
հայերեն, օտարալեզու անվանումը (ներմուծվող ֆիլմի դեպքում)

2. Ֆիլմի տեսակը _____
խաղարկային, վավերագրական, անիմացիոն, այլ / լիամետրաժ, կարճամետրաժ, այլ

3. Ֆիլմի ձևաչափը _____
կինոժապավեն, թվային, այլ

4. Տարիքային սահմանափակումը _____

5. Ֆիլմի տարածման տեսակը /թիրախային/ _____
մշակութային, կրթական, փոքրամասնություններ, կինոփառատոներ, այլ/ Եկրանային,
հեռուստատեսային, համացանցային, այլ

6. Արտադրող ընկերությունը (ընկերությունները) / ՀՎՀՀ _____

7. Իրավաբանական անձի գործադիր մարմնի ղեկավարը _____

անուն, ազգանուն, հայրանուն (առկայության դեպքում)

8. Արտադրության տարեթիվ _____

9. Տեքստը ընթերցող դերասանը _____
անուն, ազգանուն, հայրանուն (առկայության դեպքում)

10. Տեքստի տևողությունը _____

11. Ձայնի ձևաչափը _____
(մոնո, ստերեո, 5.1., 7.1., այլ)

(պաշտոն) (ստորագրություն) (Ա.Ա.Հ.) _____ 202 թ.

Ձև N 4

**ՀԱՅՏԱՐԱՐՈՒԹՅՈՒՆ
ՖԻԼՄԻ ԿՐԿՆՕՐԻՆԱԿՄԱՆ ԵՎ/ՎԱՍ ԵՆԹԱԳՐՄԱՆ ՎԵՐԱԲԵՐՅԱԼ**

Ֆիլմի կրկնօրինակում.

1. Ֆիլմի անվանումը _____
հայերեն, օտարալեզու անվանումը (ներմուծվող ֆիլմի դեպքում)

2. Արտադրող ընկերություն (ընկերություններ) / ՀՎՀՀ _____

3. Իրավաբանական անձի գործադիր մարմնի ղեկավարը _____
անուն, ազգանուն, հայրանուն (առկայության դեպքում)

4. Արտադրության տարեթիվ _____

5. Չայնի ձևաչափ _____
(մմ-ն, ստերեո, 5.1., 7.1., այլ)

6. Կրկնօրինակման ռեժիսոր (ռեժիսորներ) _____

7. Թարգմանության հեղինակ (հեղինակներ) _____

8. Համընթաց տեքստի հեղինակ (հեղինակներ) _____

9. Հնչյունավորող դերասան (դերասաններ) _____

10. Երգերի կատարող (կատարողներ) _____
(առկայության դեպքում)

11. Հնչյունային ռեժիսոր (ռեժիսորներ) _____

Ֆիլմի ենթագրում.

1. Ֆիլմի անվանումը _____
հայերեն, օտարալեզու անվանումը (ներմուծվող ֆիլմի դեպքում)

2. Ենթագրող ընկերություն (ընկերություններ) / ՀՎՀՀ _____
իրավաբանական անձի դեպքում

3. Իրավաբանական անձի գործադիր մարմնի ղեկավարը _____
անուն, ազգանուն, հայրանուն (առկայության դեպքում)

4. Ենթագրերը պատրաստող մասնագետ (մասնագետներ) _____
անուն, ազգանուն, հայրանուն (առկայության դեպքում)

5. Թարգմանության հեղինակ (հեղինակներ) _____
անուն, ազգանուն, հայրանուն (առկայության դեպքում)

(պաշտոն) (ստորագրություն) (Ա.Ա.Հ.) _____ 202 թ.

Ձև N 5

ՇԱՆՈՒՑՈՒՄ

Վարձութային վկայական տրամադրելու համար հայտադիմումի թերությունները վերացնելու կամ բացակայող փաստաթղթերը և նյութերը ներկայացնելու վերաբերյալ

ՀԱՅՏԱՏՈՒԻ ԱՆՎԱՆՈՒՄ

ՀԱՅՏԱՏՈՒԻ ՀԱՍՅԵ

Տեղեկացնում ենք, որ ԱԶԳԱՅԻՆ ՄԱՐՄԻՆ ներկայացված ___ (ֆիլմի անվանումը) ֆիլմի համար վարձույթի վկայական տրամադրելու հայտում կամ կից ներկայացված փաստաթղթերում և նյութերում առկա են հետևյալ թերությունները, կամ բացակայում են հետևյալ փաստաթղթերը կամ նյութերը.

1. Վարձութային վկայական տրամադրելու համար ներկայացված հայտում թերի է (են) լրացված (կամ լրացված չեն) «Վարձութային վկայական տրամադրելու և դրա գործողությունը դադարեցնելու, ֆիլմը դասակարգելու և ֆիլմի տարիքային սահմանափակման մասին նշում կատարելու» կարգի 6-րդ կետի «__» ենթակետի (ենթակետերի) պահանջը, համաձայն որի (որոնց) նշված չէ/լիարժեք նշված չէ/սխալ է նշված (ընդգծել անհրաժեշտը) հետևյալ տեղեկատվությունը _____:

2. Համաձայն «Վարձութային վկայական տրամադրելու և դրա գործողությունը դադարեցնելու, ֆիլմը դասակարգելու և ֆիլմի տարիքային սահմանափակման մասին նշում կատարելու» կարգի 7-րդ կետի «__» ենթակետի (ենթակետերի) պահանջի՝ անհրաժեշտ է

ներկայացնել բացակայող հետևյալ փաստաթղթերը և նյութերը.

3. Կարգի 9-րդ կետի համաձայն՝ անհրաժեշտ է 10 աշխատանքային օրվա ընթացքում «*» շտկել առկա թերությունները կամ բացակայող փաստաթղթերը և նյութերն առձեռն կամ էլեկտրոնային եղանակով ներկայացնել ազգային մարմին:

(պաշտոն)
(ստորագրություն)

(Ա.Ա.Հ.)

_____ 202 թ.

«*» Հայտատուն համարվում է ծանուցված՝ ՀՀ օրենսդրությամբ սահմանված կարգով:

(ձևը խմբ. 23.10.25 N 1478-Ն)

Ձև N 6

ԾԱՆՈՒՑՈՒՄ
Հայաստանի Հանրապետության տարածքում ֆիլմի ցուցադրության մեկնարկի ժամկետները համաձայնեցնելու վերաբերյալ

ՀԱՅՏԱՏՈՒԻ ԱՆՎԱՆՈՒՄ

ՀԱՅՏԱՏՈՒԻ ՀԱՍՅԵ

Տեղեկացնում ենք, որ ազգային մարմին է մուտքագրվել Հայաստանի Հանրապետության տարածքում ֆիլմի ցուցադրության համար վարձուբային վկայական ստանալու _____ (նշվում է քանակը) հայտ, որոնց վարձույթի մեկնարկի ժամկետները համընկնում են.

1. Համաձայն «Վարձուբային վկայական տրամադրելու և դրա գործողությունը դադարեցնելու, ֆիլմը դասակարգելու և ֆիլմի տարիքային սահմանափակման մասին նշում կատարելու» կարգի 12-րդ կետի անհրաժեշտ է Հայաստանի Հանրապետության տարածքում _____ ֆիլմի վարձույթի մեկնարկի ժամկետը համաձայնեցնել հետևյալ հայտատուների հետ

(հայտատուի (հայտատուների) անվանումը, ֆիլմի անվանումը, կոնտակտային տվյալները)

2. Հայաստանի Հանրապետության տարածքում _____ ֆիլմի ցուցադրության մեկնարկի համար առաջարկում ենք դիտարկել հետևյալ հնարավոր ժամկետները

3. Սույն ծանուցումն ստանալու օրվանից 15 աշխատանքային օրվա ընթացքում «*», անհրաժեշտ է պատվիրված նամակով կամ էլեկտրոնային եղանակով, համաձայն կարգի 13-րդ կետի տեղեկացնել ազգային մարմինն ընդունված որոշման մասին (ժամկետների փոփոխման դեպքում կցելով նոր հայտ՝ ժամանակացույցով):

(պաշտոն) (ստորագրություն)

(Ա.Ա.Հ.)

_____ 202 թ.

«*» Հայտատուն համարվում է ծանուցված՝ ՀՀ օրենսդրությամբ սահմանված կարգով:

Ձև N 7

ԱԶԳԱՅԻՆ ՄԱՐՄՆԻ ԱՆՎԱՆՈՒՄ

ԱԶԳԱՅԻՆ ՄԱՐՄՆԻ ՀԱՍՅԵ

ՎԱՐՁՈՒԹԱՅԻՆ ՎԿԱՅԱԿԱՆ

Ամիս [_____] N [_____]

Ֆիլմ

[_____]

Հատուկ նշան

[_____]

Ձևաչափ [_____] Դրվագ [_____] Մետրաժ [_____]

Մաս [_____] Գույն [_____]

Ցուցադրման ժամ [_____] Բոպե [_____] տևողություն

Մեկնարկի [_____] Կրիչ [_____] Ծավալ [_____]
Ամսաթիվը
Հայաստանում

Արտադրող
[_____]

Երկիր [_____] Թողարկման տարի [_____]

Ռեժիսոր [_____] Նկարիչ [_____]

Սցենարիստ [_____] Օպերատոր [_____]

Կոմպոզիտոր [_____] Պրոդյուսեր [_____]

Ֆիլմի տարածման տեսակի
նկատմամբ լիցենզիան
[_____] ՀՀ տարածքում

Ֆիլմի տարածման
տեսակ

Ֆիլմի տարածման տեսակի
նկատմամբ լիցենզիայի
գործողության ժամկետը

[_____]

[_____]

Ֆիլմի դասակարգիչ [_____]

[Պաշտոն]

[Ա.Ա.Հ.]

Հեռ. [_____] ստորագրություն

Ձև N 8

ԾԱՆՈՒՑՈՒՄ

ՎԱՐՁՈՒԹԱՅԻՆ ՎԿԱՅԱԿԱՆԻ ԳՈՐԾՈՂՈՒԹՅՈՒՆԸ ԴԱԴԱՐԵՑՆԵԼՈՒ ՈՐՈՇՄԱՆ ՄԱՍԻՆ

ՀԱՅՏԱՏՈՒԻ ԱՆՎԱՆՈՒՄ

ՀԱՅՏԱՏՈՒԻ ՀԱՍՑԵ

«Վարձութային վկայական տրամադրելու և դրա գործողությունը դադարեցնելու, ֆիլմը դասակարգելու և ֆիլմի տարիքային սահմանափակման մասին նշում կատարելու» կարգի 26-րդ կետի համաձայն.

Ազգային մարմինը որոշում է դադարեցնել՝ _____ ֆիլմի N _____ տրված _____ վարձութային վկայականի գործողությունը:

1. N _____ տրված _____ վարձութային վկայականի գործողության դադարեցման համար հիմք է հանդիսանում «Վարձութային վկայական տրամադրելու և դրա գործողությունը դադարեցնելու, ֆիլմը դասակարգելու և ֆիլմի տարիքային սահմանափակման մասին նշում կատարելու» կարգի 25-րդ կետի «_» ենթակետը (ենթակետերը):

2. Սույն ծանուցումն ստանալու օրվանից 30 աշխատանքային օրվա ընթացքում «*» N _____ տրված _____ վարձութային վկայականի բնօրինակը պետք է վերադարձվի ազգային մարմին՝ պատվիրված նամակով կամ ազգային մարմնին անձամբ ներկայանալու միջոցով:

(պաշտոն) (ստորագրություն)

(Ա.Ա.Հ.)

_____ 202 թ.

«*» Հայտատուն համարվում է ծանուցված՝ ՀՀ օրենսդրությամբ սահմանված կարգով:

Ձև N 9

ԾԱՆՈՒՑՈՒՄ

ՎԱՐՁՈՒԹԱՅԻՆ ՎԿԱՅԱԿԱՆԻ ՏՐԱՄԱԴՐՄԱՆ ՀԱՅՏԸ ՍԵՐԺԵԼՈՒ ՈՐՈՇՄԱՆ ՄԱՍԻՆ

ՀԱՅՏԱՏՈՒԻ ԱՆՎԱՆՈՒՄ

ՀԱՅՏԱՏՈՒԻ ՀԱՍՑԵ

«Վարձութային վկայական տրամադրելու և դրա գործողությունը դադարեցնելու, ֆիլմը դասակարգելու և ֆիլմի տարիքային սահմանափակման մասին նշում կատարելու» կարգի 10-րդ կետի համաձայն.

Ազգային մարմինը որոշում է մերժել՝ _____ ֆիլմի վարձութային վկայականի տրամադրման հայտը:

1. Վարձութային վկայականի տրամադրման գործընթացի մերժման համար հիմք է հանդիսանում «Վարձութային վկայական տրամադրելու և դրա գործողությունը դադարեցնելու, ֆիլմը դասակարգելու և ֆիլմի տարիքային սահմանափակման մասին նշում կատարելու» կարգի 10-րդ կետի «__» ենթակետը (ենթակետերը):

(պաշտոն) (ստորագրություն) (Ա.Ա.Հ.) _____ 202 թ.

Ձև N 10

ԱՐՁԱՆԱԳՐՈՒԹՅՈՒՆ

Ֆիլմը ենթագիր կամ կրկնօրինակում ունենալու կամ չունենալու և հայտատուի կողմից ներկայացված դասակարգմանը և տարիքային սահմանափակման վերաբերյալ նշումին համապատասխանելու կամ չհամապատասխանելու վերաբերյալ

Արձանագրում ենք, որ ԱԶԳԱՅԻՆ ՄԱՐՄԻՆ ներկայացված __ (ֆիլմի անվանումը) __ ֆիլմը ունի/չունի ենթագրում/կրկնօրինակում, համապատասխանում է/չի համապատասխանում (ընդգծել անհրաժեշտը) հայտատուի կողմից ներկայացված դասակարգմանը և տարիքային սահմանափակման վերաբերյալ նշումին հետևյալ պատճառաբանությամբ.

(պաշտոն) (ստորագրություն) (Ա.Ա.Հ.) _____ 202 թ.

(ձևը լրաց. 23.10.25 N 1478-Ն)
(հավելվածը լրաց., փոփ., խմբ. 23.10.25 N 1478-Ն)

**Հայաստանի Հանրապետության
վարչապետի աշխատակազմի
ղեկավար**

Ա. Հարությունյան

19.01.2024
ՀԱՎԱՍՏՎԱԾ Է
ԷԼԵԿՏՐՈՆԱՅԻՆ
ՍՏՈՐԱԳՐՈՒԹՅԱՄԲ

Պաշտոնական հրապարակման օրը՝ 19 հունվարի 2024 թվական:

Փոփոխման պատմություն

Փոփոխող ակտ

[23.10.2025, N 1478-Ն](#)

Համապատասխան ինկորպորացիան

18.01.2024, N 92-Ն

Փոփոխված ակտ

Փոփոխող ակտ

Համապատասխան ինկորպորացիան